



Fasnachtsplakette 2012

S glemmt

S glemmt, dr Euro isch so tief,
in dr Wirtschaft goot z viil schief.
S glemmt bi däne Waale z Bärn
und in Basel saits kain gärn:
S het am Cortège zimlig glemmt,
drum isch s Comité bitz ghemmt.
S zaigt dä Riissverschluss symbolisch,
dass das Motto gar nit hool isch.

Glemmt er nit, dr Riissverschluss,
denn lauft d Fasnacht uus aim Guss.
D Guggemuusig fädlet ii,
s pfiift und drummlet vis-à-vis.
Naime faart e Schääse duure.
D Waggis hänn e groossi Schnuure.

Grad d Frau Fasnacht sait is au:
Ich kumm nimme, gits nur Stau.
S Junteressli gnaggt die Nuss
und ziet gschwind am Riissverschluss.
Lueg, hets Junteressli gsait,
Stau, das isch Vergangehait!

Kupfer, Silber, stegg si aa,
und de wirsch e Bijou haa.
Wottschi no mee, nimmsch d Goldblaggede
mit dr Stadt als Silhouedde.

Ai, dä Kinschtler, saisch bim Gnaisse.
Är duet Roger Sigrist haisse.
Sii Entwurf hänn mir scho gnosse
und dr Müller het en gosse.

Duets zwor dusse mänggmool glemme,
sott di jetze niit me hemme.
Ab uf d Gass, verkauf ab hit.
Bim Verkauf haissts: Doo glemmts nit!

s Fasnachts-Comité